

Inatsisartut Suleriaasianni § 33, imm. 3, nr. 1 naapertorlugu Nunat Avannarliit Killiit Siunnersuisoqatigiiffiannut aallartitat siulittaasuat aalajangiiffigisassatut siunnersuut manna saqqummiuppa:

Nunat Avannarliit Killiit Siunnersuisoqatigiiffiata kaammattuutit aalajangersagaanik nr. 4/2013-imik, ataani allassimatut oqaasertalimmik, Inatsisartut tapersiinissaannik Inatsisartut aalajangiiffigisassaattut siunnersuut:

Nunat Avannarliit Killiit Siunnersuisoqatigiiffiata Savalimmiuni, Islandimi Kalaallit Nunaannilu naalackersuisunut kaammattuutigaa allanniarnermik atuarniarnermillu ajornartorsiuteqartunut atuartinneqarnissamik neqeroorut suleqatigillutik nukittorsassagaat. Assersuutigalugu suliaasaqarfimmi ataatsimut ilisimatusarnikkut aammalu nunat oqartussaasuisa susassaqartut suleqatigiinnissaata qulakkeerneratigut, taamaa-lilluni ilisimasanik iliuitsinillu pitsaanerpaanik avitseqatigiinnissaq qulakkeerneqarsinnaaqqullugu.

Tunngavilersuut:

Savalimmiuni allanniarnermik atuarniarnermillu ajornartorsiutillit ukiuni kingullerni qulini pisortat atuartitsisoqarfiata avataatigut immikkut atuartinneqartarput. Angajoqqaanit, qanigisanit allanit piunassusilinnillu nammineq soqutiginninnertik naapertorlugu atuartitsinermik immikkut ilisimasaqalersimasunit ingerlanneqartartunik. Taama suliaqarnissamut nukissat pisariaqartut pisortat atuartitsisoqarfiannit pigineqarsimanginnerat eqqarsaatigalugu atuarniarnermik allanniarnermillu ajornartorsiutilinnut peqatigiiffik 2001-imi pilersinneqarpoq aammalu pisortat oqartussaasui meeqqallu atuarfiat qanimut suleqatigalugit inuusuttut inersimasullu amerlasuut siumut saanniarnerni ikiorsimallugit. Ukioq siulleq aningaasalersuutissat inuinnarnit pissarsiarineqarput ukiunilu kingullerni sisamani aningaasanut inatsimmi tapiissutitut aningaasaliissuteqarpoq. Ukioq manna 900.000 kr.-it sinnerlugit.

Kalaallit Nunaanni allanniarnermik atuarniarnermillu ajornartorsiutinut ikiuutaasussamik peqatigiiffeqanngilaq. Islandimi ukiut qulit missaasa matuma siornagut atuarniarnermik allanniarnermillu ajornartorsiuteqartunut peqatigiiffiortoqarpoq, suliali aningaasalersor-niarneqarnera ajornartorsiutigalugu. Ukioq manna nunap aningaasanut inatsisaanit siullermeerlutik tapiiffigineqarput. Taamaattoqalinnginnerani inuinnaat namminneq aningaasalersuisuupput.

Aningaasaliissutit killeqartut aammalu ajornartorsiuteqarnerpaanut qaqutigunnaq atorneqartartut atorlugit pisortat atuarfiisa atuartut ajornartorsiutillit ikiortarpaat aammalu atuartut immikkut pisariaqartitalit sapinngisaq atorlugu ikiortarlugit. Taamaattumik amerlasuut peqqissuusut ikiorneqarneq ajorput, taamaalillunilu atuartut ajornartorsiuteqartunngortarlutik, atuarsinnaassutsip saniatigut allanut ammaassiniarneq nalornissutigineqarmat.

Nunani Avannarlerni Killerni nunap killingi akimorlugit suleqatigiittoqarneratigut Nunani Avannarlerni Killerni amerlasuunut iluaqutaasumik nukittorsaataasumillu neqeroorutit

pinngitsooratik annertusarneqarsinnaapput aammalu pingaartumik atuartut atuarniarnermik allanniarnermillu ajornartorsiuteqartut ilinniarnerminnik naammassinninnissaminnut periarfissaasa annertusarneqarnerannut tapeeqatassalluni.